



*Minggu, 01 November 2020*  
Ogen: Jeremia 35:1-19



**Kesusuren Si Jadi Usihen**

# E

**E**rbage cara ibahan Tuhan nuduhkan kelasetian bangsa Israel. erkelangken nabi Jeremia ibandingken Tuhan kesetian terpuuk Rehab nandangi aturen si iperintahken nini ninina ras kesetian bangsa Israel nandangi perintah Tuhan. Terpuuk Rehab enda situhuna bangsa Israel nge tapi ia rusaha nggeluh bagi peradapen kegeluhen Israel kuno, tading i kemah-kemah, la banci minem anggurr sabap bage kin enggo iaturken nini ninina eme Jonandap anak Rehab. Kalak enda la banci majekken rumah. La erjuma, nggeluh i bas kemah desken kalak pertandang. Kerina si iperintahken nini-ninina ipatuhina. Erkiteken Raja Nebukadnezer nerang kalak Israel e maka terpuuk Rehab e kiam ku Jerusalem. Tupung Jeremia maba Jaasama sekalak i bas terpuuk Rehab ras anak-anakna ku Rumah Pertoton, ercakup-cakup ia i je ras petugas-petugas si erdahin i bas Rumah Pertoton e. Kenca bage itamai Jeremia lau anggurr ku bas calung-calung si lit i bas Rumah Pertoton, emaka itamakenna i bas meja-meja rembak ras terpuuk Rehab enda. Emaka nina Jeremia, inemlah anggurr enda! Jaasama ras anak-anakna sadape la nggit nginem anggurr e, kerina ia encikep enteguh aturen si enggo ibahan nini ninina man bana. Teridah tuhu kesetianna man aturen si enggo lit i bas terpuukna. Kesetian terpuuk Rehab enda ibandingken Tuhan ras kesetian bangsa Israel si rusur nulak perintah Tuhan. Ibahanna dibata-dibatana si deban alu majekken patung lembu emas, janah isembahna. Ipindona ka penampat bangsa si deban lako nampati ia, janah ipersilahangna Tuhan. Tuhu labuh kal Tuhan natap perbahanen bangsa enda emaka niNa, Kudabuhkan me ku babo Juda ras Jerusalem kerina cilaka si enggo Ku padanken. Si e Kulakoken erkiteken la kam ngaloi tupung Ku lebu. I bas Tuhan meherga kepe kalak si setia, janah ibahanNa jadi sada usihen gelah iikutken bangsaNa.

*↳ Kepatuhenku ndalangen perintah Tuhan jadi usihen man sinursurku*

